

1031 (1621—1622) թվականի դեպքերից

ԱՔԱՋԱ ՓԱՇԱՅԻ ԱՌԱՋԻՆ ԱՊՍԱՄԲՈՒԹՅՈՒՆԸ

Ստահող լուրեր էին տարածվել, թե իբր դրանից առաջ, հանգուցյալ սուլթան Օսմանը՝ իր ախոռապետներին շրջագայելու ուղարկելով, ենիչերիներին ոչնչացնելու նպատակ էր ունեցել։ Այս կապակցությամբ Այնթաբում, Աբդուլբակի անունով կադին, թշնամանալով տեղական ենիչերիների հետ՝ քաղաքացիներին նրանց դեմ էր հանել և սպանել էր տվել մի քանի մարդկանց։ Օրթա Զավուշը²⁸ ուղարկվեց հետաքննության։ Էրզրումի բեյլերբեյի Մուհամմեդ Աբազա փաշան և նրա մարդիկ, մի հարցի կապակցությամբ, թշնամացել էին հերթապահ ենիչերիների հետ և կռվի բռնվել, որի պատճառով սպանվել էին երեք ենիչերի և փաշայի մարդկանցից՝ երեք հոգի։ Փաշային անարգել էին, որի համար փաշան ցանկացել էր ենիչերիներին պատժել։ Ենիչերիները քաշվեցին ներքին բերդը։ Էրզրումից հրաժարեցված Հյուսեին փաշան ու վիլայեթի երևելիները միջնորդեցին և հաշտեցրին նրանց։ Երբ ենիչերիները ներքին բերդից դուրս եկան, Աբազա փաշան մտավ բերդ և իր դիրքը ուժեղացնելով, սկսեց սեկբաններ գրել։ Փաշան դուրս հանեց էրզրումի բերդում գտնված ենիչերիներին, որոնք գնացին Ստամբուլ։ Այդ ժամանակ էրզրումի էյալեթը շնորհվեց Դիարբեքիից հեռացված Նեսուհ փաշայի քեթխուդա Մուստաֆա փաշային։ Սակայն Աբազա փաշան դուրս չեկավ և մյուսթեսելիմին հետ ուղարկեց։ Անատոլիայում և այլ քաղաքներում սկսվեց խռովություն և խառնակություն։ Երկրում ծայր առան ավազակային շարժումներ։ Ասում էին, թե փադիշահը խելագարվել է և պետությունը գտնվում է վալիդե Սուլթանի²⁹ ձեռքին։ Այսպես, կուլերը և ստոր տարրերը երես առնելով, զավթել էին պետական բոլոր ծառայությունների ու վակֆների գործերը։ Պատվի տեր և վաստակավոր մարդիկ հալածվում էին, քանի որ օրենքը կորցրել էր իր ուժը։ Ժողովրդի դրությունը շատ ծանր էր։ Ամեն անգամ դրությունը այսպես է եղել, երբ փադիշահը հրաժարվել է պետությունը կառավարելուց։

(էջ 28)

1032 (1622) Իվականի դեպքերից

ԱՐԱՋԱՅԻ ՄԱՍԻՆ ԳԱՆԳԱՏՆԵՐ ԵՆ ՍՏԱՅՎՈՒՄ

Մուհարրեմ ամսի 13-ին էրզրումի հերթապահ ենիչերիները Ստամբուլ գալով, Աբաղայի մասին գանգատ ներկայացրին և հայտնեցին, որ փաշան բանտարկել է աչքի ընկնող ենիչերիներին և սեկբաններ է գրել: Նրանք հավաքական գիմում ներկայացրին նաև վիլայեթի երեւելիների աւանդից: Ամսի 16-ին բոլոր հերթապահ ենիչերիները հայտնեցին, որ Աբաղա փաշան Կարսի և Ախալցխայի փաշաներին նույնպես հրամանագրեր է գրել և ուղարկել, որ ենիչերիներին գուրս հանեն: Խալիլ փաշան խրատական նամակներ գրեց Աբաղա փաշային և իր մարդկանցից երկուսին ուղարկեց և հատկապես խնդրեց, որ բերդից դուրս գա:

ԵՆԻՉԵՐԻԱԿԱՆ ՇԱՐԺՈՒՄԸ ԱՐԱՋԱՅԻ ՀԱՄԱՐ

Սեֆեր ամսի 19-ին ենիչերիների աղան գնալով մեծ վեզիրի պալատը՝ ենիչերիներին ոտքի հանեց: Նրանք հայտնեցին, որ Ասիթանեյում [Ստամբուլ] Աբաղայի ապստամբության պատճառը Գյուրջի Մուհամմեդ փաշան և Խալիլ փաշան են: Աբաղա փաշան մեծ վեզիրի եղբայր Հյուսեին փաշայի փեսան և Խալիլ փաշայի որդեգիրն էր:

Սպաները միջամտեցին գործին: Նրանք դռնից դուրս գալով հանդիպեցին Խալիլ փաշային և նրան շրջապատելով, ասացին. «Աբաղան իր շարժման մեջ քեզ վրա է հենվում»: Քեթխուդա Չեթեշի Ալի աղան եկավ և ցրեց սրանց: Հաջորդ հավաքույթին նրանք նորից ոտքի ելան և ասացին. «Աբաղա փաշան անպայման պետք է սպանվի»: Սպաները միջամտեցին և արգելեցին: Հրաման ստացվեց, որ էրզրումի բեյլերբեյին պաշտոնազուրկ է արված: Խալիլ փաշան այդ գործում մասնակից չէ. հետևաբար, պետք չէ նրան նեղույթյուն տալ...

(էջ 32)

ԱՐԱՋԱ ՓԱՇԱՅԻ ԱՊՍԱՄԲՈՒԹՅՈՒՆԸ

Սրանից առաջ, Գյուրջի Մուհամմեդ փաշան հավատ չընծայելով Աբաղայի մասին ժողովրդի մեջ տարածված լուրերին՝ իր եղ-

բայր Հյուսեին փաշայի խոսքին էր հավատում: Դրությունը ստուգեց, և համար նա ենիչերիական օջախից մի շորբաջի էր ուղարկել: Ջեմադիել-էվելի ամսի 11-ին պարզվեց, որ Աբազա փաշան թույլ չի տվել, որ Մուստաֆա փաշայի մյութեսելիմը ընդունի էյալեթը: Բոլոր սանջակները նա իր մարդկանց է տվել, ուսաների յուրաքանչյուր տան վրա հազարական ակչե նշանակել և մոտ 15 հազար զինվոր հավաքել...

ԿԱՐԱՀԻՍԱՐԻ ԳՐԱՎՈՒՄԸ

Քանի որ էյալեթի սահմանի վրա գտնվող Կարահիսարի Շարքիում Մուրթազա փաշան դիմադրություն էր ցույց տվել, Աբազա փաշան շարժվեց նրա դեմ: Ջրի նեղության պատճառով Մուրթազա փաշան 10 օր պաշարված մնաց և հետո ստիպված եղավ հանձնվել ու բերդից դուրս գալով, միանալ այդ ամբոխին: Այնուհետև, Աբազա փաշան շարժվեց Սվազի ու Անկարայի վրա և շրջակայքի բեյերին նամակներ ուղարկեց: Շատերը հպատակվեցին: Մարաշի բեյլերբեյի Կլավուզ Յուսուֆ փաշան եկավ և միացավ նրանց: Սվազի Բայար Մուստաֆա փաշան նույնպես բարեկամություն ցույց տվեց...

Զորումից Քանդրի գնալիս նրանց դիմավորեց Նողայ փաշան և պատիվներ տվեց: Այսպես իր գնացած բոլոր վայրերում, քաղաքներում և գյուղերում նա սպանում էր ենիչերիներին և հափըշտակում նրանց ունեցվածքը: Գավառներում գտնվող բոլոր ենիչերիները վախենալով, հավաքվում էին իրենց օդաները:

ՍԵՐԴԱՐ ՋԸՂԱԼԵ-ՋԱԴԵՆ

Աբազա փաշան մոտ 40 հազար զինվորներով պաշարեց Անկարան: Երբ այդ մասին տեղեկություններ ստացվեց, կարգադրվեց Անատոլիայի բեյլերբեյի Իլյաս փաշային և Կարամանի բեյլերբեյին, որ իրենց էյալեթների զինվորներով օգնության հասնեն Անկարային:

Մայրաքաղաքում, վեզիրներից մեկը՝ Մահմուդ փաշան նշանակվեց սերդար: Զորս փաշաներ, հավաքելով 4000 ենիչերիներ և այլ զինվորներ, ռեջեբ ամսին անցան Սկյուդար: Երբ հիշյալ զինվորները Բեկբազար հասան, այնտեղ կանգ առան հանգստանալու, սակայն տեղեկանալով, որ Աբազա փաշան հաղթանակ տանելու դեպքում կարող է գիշերային հարձակում գործել, պաշտպանվելու

համար վերադարձան Բրուսա: Աբազան պաշարեց քաղաքը, ջրերը կտրեց, գրավեց վարոշը, հարձակվեց ներքին բերդի վրա: Սակայն, իր թափած ջանքերին հակառակ՝ հաղթել չկարողացավ և, երբ ձմռան ցրտերը վրա հասան, ձմեռելու համար գնաց Նիկտեի սանջակը:

(էջ 34—36)

1033 (1623—1624) թվականի դեպքերից

ԱՐԱՋԱՅԻ ԿՈՒՎՆԵՐԻ ԵՎ ՇԵՅԽԻ ԽԱՐԵԲԱՅՈՒԹՅԱՆ ՄԱՍԻՆ

Աբազա փաշան ինքնավստահ և քաջարի անձնավորություն էր, սակայն խելամիտ մարդ չլինելով՝ ընդունակ չէր ըմբռնելու գործերի ներքին կողմը: Նա իր կամքի սանձը հանձնել էր կեսարացի տգետ մի շեյխի: Նա խռովություններ հարուցելով և ավազակներին իր շուրջը հավաքելով, խրվել էր անելանելի մի կովի մեջ: Նա չէր կարողանում իր շուրջը հավաքված հասարակությունը ցրել, իսկ Շեյխը ամեն անգամ կրկնում էր. «Այս հասարակությունը մի ցրի: Երա շնորհիվ դու վեզիրություն կստանաս»: Մի շարք ստահող նամակներով և ֆեթվաներով Աբազա փաշան մոտ 30 հազար ավազակներ հավաքեց իր շուրջը: Դրանից առաջ հարձակվել էր Անկարայի վրա, սակայն վեց ամիս պաշարելուց հետո, չէր կարողացել հաղթություն ձեռք բերել և հետ վերադառնալով, ձմեռել էր Նիկտեի և Կեսարիայի կողմերում: Շրջակայքը վաշտեր ուղարկելով ապրանք ու հարստություն էր հավաքել տալիս Օսմանյան կայսրությունից:

Մյուս կողմից, ենիչերիների քեթխուդան՝ Մըխլաջի Սարը Մուհամմեդ աղան, ամեն օր օդա-բաշխներին³⁰ ազդարարում էր, որ փաղիշահական արշավանքը ուղղված է միայն ենիչերիների ռիս-րիս թշնամի՝ Աբազայի դեմ. նա բազմաթիվ շորբաջիների և անհատ ենիչերիների մահվան է դատապարտել ու սպանել: Դուք էլ ջանքեր գործադրեք, վարվեք այդ կերպ: Ձեզ տեսնեմ. քանի՞ զինվորներով եք արշավանքի գնալու:

Աբազան լսելով այս մասին, ուղարկում է իր պատասխան նամակը:

ԱՐԱՋԱ ՓԱՇԱՅԻ ՆԱՄԱԿԻ ՊԱՏՃԵՆԸ

Մեծարգո եղբայր, ենիչերիների քեթխուդա Մուհամմեդ աղա, բարևից հետո դու ասում ես. «Այս գարնանը մենք Աբազայի դեմ

արշավանք ունենք. սաղրազամի հետ միասին պետք է գնանք. այս արշավանքը ենիշերիական արշավանք է, սիփահիններից և բեյերից մեզ օգնություն չկա: Աբազայի հոգսը մենք ենք: Տեսնե՛մ, ինչքան ենիշերիներ կհավաքենք: Այս ասելով դու օդա-բաշիներին խիստ պատվերներ ես տալիս: Հաջողություն քեզ: Փաղիշահի հայր քեզ հալալ լինի...»:

Նամակի մնացած մասում Աբազա փաշան երկար խոսում է սուլթան Օսմանի սպանության հետ կապված դեպքերի մասին:

Հաջորդ հատվածում Քյաթիր Չելերին մանրամասնորեն նկարագրում է Աբազա փաշայի պատերազմական գործողություններն ու նրա վերջնական պարտությունը: Այդ հատվածի թարգմանությունը չի տրվում, որովհետև սույն գրքի առաջին հատորում, գրեթե նույն բովանդակության նյութեր թարգմանվել են պատմագիրներ Փեշեվիից և Նայիմայից*:

(էջ 53—56)

ԿԸԶՐԼԲԱՇՆԵՐԻ ՊԱՐՏՈՒԹՅՈՒՆԸ ՎՐԱՍՏԱՆՈՒՄ

Այս և հաջորդ հատվածներում (էջ 67—69) Քյաթիր Չելերին խոսում է 1034 (1624—1625) թվականին տեղի ունեցած դեպքերի մասին, երբ վրաց հայտնի պետական գործիչ Մաղրավ բեյը³¹ սպանում է կըզըլբաշների բանակի հրամանատար Կարչղայ խանին և վրացական զինված ուժերի հետ կըզըլբաշների բանակին պարտության մատնելով, միանում է օսմանյան փաղիշահական բանակին:

Քանի որ Քյաթիր Չելերին գրեթե նույնությամբ է տալիս այդ դեպքերը, որոնք նկարագրված են թուրք պատմագիր Փեշեվիի և տարեգիր Նայիմայի կողմից, կրկնությունից խուսափելու համար, ավելորդ ենք համարում թարգմանել Մաղրավ բեյին վերաբերող նյութերը**:

* * *

1045 (1635—1636) թվականի դեպքերից

Թուրք-իրանական պատերազմական գործողությունները շարունակվել են: Սեֆեվիների կողմից Վանի պաշարումը դադարում է, որից հետո մեծ վեզիր Երարձր սերդար Թաբանը-Յասսը Մուհամմեդ փաշան Ստամբուլից շարժվում է Արևելյան արշավանքի: Անձամբ Սուլթան Մուրադ IV-ը մասնակցում է Երևանի արշավանքին:

ՓԱԴԻՇԱՀԻ ԱՐՇԱՎԱՆՔԻ ԳՆԱԼԸ

Մուհարրեմ ամսի սկզբին (1045) սաղրազամը իջևանեց իսլամական սահմանում գտնվող էրզրումի Բայբուրտ գավառի մոտ:

Այս հատորի հաջորդ գլխում ևս պատմագիր Սուլաբ Զադեն բավականաչափ խոսում է Աբազա փաշայի մասին:

** Տե՛ս մեր «Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին» աշխատության 1 հատորը, էջ 56—59, 88—91, 94—95, 96—98:

Աղաներին նա հրամայեց, որ գարու մեկ քիլեն՝ քսան, իսկ ալյուրի քիլեն՝ երեսուն ակշե գնահատվի, և յուրաքանչյուր զինվորի հինգական քիլե գարի ու երկուական քիլե ալյուր բաժանվի: Հաջորդ օրը սադրազամբ գնաց Նորին վսեմություն փադիշահին դիմավորելու: Սահմանամերձ դաշտում հրաման տրվեց երկրորդ վեզիր Սիլահար փաշայի վրանում իջևանել: Խնճույքից հետո արժանացավ փադիշահին տեսնելու և նրա աջը համբուրելու շնորհին: Հաջորդ օրը եկան Բայբուրտ: Ամսի 8-ին մտան էրզրում: Մուհարրեմ ամսի 16-ին վսեմաշուք փադիշահը եկավ Իլիջա³²: Մեծ վեզիրն էլ իր տրամադրության տակ եղած զինվորների հետ էրզրումից եկավ այստեղ փադիշահի վրանի [օթաղ] առջև գահ սարքվեց ու Դիվան հրավիրվեց: Օջաղի վաշտերի աղաներն ու բոլոր ենիչերիները, սիփահիններն ու այստեղ եկած միրիմիրանները, ըստ սովորության, իրենց զորամասերով անցան վսեմաշուք փադիշահի առջևից:

Մուհարրեմ ամսի 11-ին վսեմաշուք փադիշահը հրամայեց, որ, ըստ սովորության, մեծ շքերթ կազմակերպվի...

Քյաթիր Զելեբին մանրամասնորեն նկարագրելով այդ շքերթը, ասում է, որ նման շքերթ ու հանդիսավորություն ոչ մի ժամանակ գոյություն չի ունեցել և Ալ-Օսմանի³³ զինվորների թիվն էլ ոչ մի տեղ այդքան մեծ չի եղել:

ԻՍԼԱՄԱԿԱՆ ՓԱԴԻՇԱՀԻ ԵՐԵՎԱՆ ԴՆԱԼՈ

Մուհարրեմ ամսի 24-ին, բեռների մի մասը էրզրումում թողնելով, նախօրոք ուղարկվեցին 25 հատ «բալյեմեզ» թնդանոթներ³⁴ և թուզ: Հաջորդ օրը էրզրումից դուրս գալով, շարժվեցին դեպի Երևան: Սեֆեր ամսի սկզբին իջևանեցին Կարսի մոտ: Փադիշահը դիտեց Կարսը: Երկու օր այստեղ մնացին... Հաջորդ օրը հասան Մեսհենե-Գելիդի մենզիլը, ուր և խմեցին փադիշահի վրանը, իսկ շրջակայքի չորս կողմը նայող մի բլրի վրա սարքեցին զորամասերի վրանները. հաջորդ օրը ստացվեցին Դուրիլի երկրի [Դուրիա] հարկերն ու նվերները: Ուշ Քիլիսեում [Էջմիածին] չիթեք³⁵ հյուսելու համար մեծ քանակությամբ ճյուղեր կտրեցին: Սեֆեր ամսի 10-ին հասան Երևանի ցանքերին և իջևանեցին Երևանի մոտ: Հրաման տրվեց անասուններին արածացնել ցանքսերում: Հաջորդ օրը հասան Գյոք-Քյումբետ: Երբ փադիշահի բանակը շքերթով անցնում էր բերդի մոտից, պարսպից արձակված թնդանոթի արկերը անցան հատուկ պահեստային մասի զինվորների գլխի վրայով, սափայն Աստծո ողորմությամբ ոչ ոքի վնաս չպատճառեցին: Անցնելով Զանգի գետը, կանգ առան պարսպից քիչ հեռու: Վսեմաշուք

փաղիշահը հրամայեց ավելի մոտենալ: Հաջորդ օրը փաղիշահի վրանը սարքվեց Հյունքար-Թեվեսի անունով հայտնի բլրի վրա, իսկ վեզիրներն ու պետության այլ ղեկավարները տեղավորվեցին հարմար վայրերում: Զինվորներին բաժանեցին ռազմամթերք, բահ, բրիչ, վառոդ և պատրույգ (ֆիթիլ): Ֆերման տրվեց, որ ենիչերիները այդ գիշեր մտնեն խրամատները: Սեֆեր ամսի 12-ի գիշերը, երբ բերդի շրջակայքը լուսավորված էր լուսնի լույսով և ջահերով, ժամի 3-ին զինվորները մեծ զանգվածով առաջ շարժվելով դեպի պարիսպները, մտան խրամատները: Երբ ենիչերիներից մի քանի հարյուր զինվորներ վիրավորվեցին, վսեմաշուք փաղիշահը նրանցից ամեն մեկին 30—40 ղուրուշ դեղի փող շնորհեց, իսկ ուսանող վերքերը իր ներկայությամբ վիրաբույժներին դարմանել տվեց: Մինչև առավոտ խրամատների գործերը կարգավորվեցին և յուրաքանչյուր զինվոր ամրացավ իր տեղում:

ԵՐԵՎԱՆԻ ՊԱՇԱՐՈՒՄԸ

Գյուրջի-Թեփեից Հյուսեին փաշայի և Հալեպի բեյլերբեյի Ահմեդ փաշայի զորամասերից թնդանոթները կրակն ուղղեցին դեպի բերդը և քանդեցին էմիր Դյունե-օղլուի պալատն ու բարձր շենքերը: Երևանի բերդը մոտավորապես էսքի Սարայի³⁶ մեծությունն ունենալով, այնպես որ թնդանոթի արկերը բերդի վրայից թռչում-անցնում էին: Բերդի դռան առջև դրեցին նոր ստացված վեց թնդանոթ: Բերդից դեպի վրաններն արձակված արկերից զոհվեց վեզիրի դռնապաններից մեկը՝ քեթխուդա Ալի աղան: Ամսի 13-ին, հին Երևանի մոտ խրամատ մտավ Անատոլիայի ենիչերիական զորամասը: Նրանք ունեին վեց թնդանոթ: Ամսի 14-ին, բերդի հյուսիսային կողմում անհրաժեշտ եղավ պաշտպանել գետեզերքը, որի համար նշանակվեցին էրզրումի բեյլերբեյի Ահմեդ փաշան և Զըլգըրի բեյլերբեյի Սեֆեր փաշան: Այդ վայրում գետեզվեցին ևս երեք թնդանոթներ... Ամսի 16-րդ օրը, երբ Շեմս փաշա-Ջաֆեն իր երեք աղաների հետ միասին (որսի ժամանակ) քնել էին Կափուղան փաշայի³⁷ զորամասի պարտեզում, աջմենները բերդից իջնելով երեքին էլ զըլխատեցին և նրանց գլուխները բերդ տարան: 19-ին սերդարը գետն անցավ և հասավ Գյուրջի-Թեփեի այն կողմում գտնվող անցքը. այնտեղի կամուրջը գրավեց և այդ կողմից իջնելով դեպի գետ՝ ձեռնարկեց ժայռի մեջ պատնեշ կառուցելու գործին: Հաջորդ օրը, Հալեպի բեյլերբեյին ու բոլոր պաշտոնազուրկ բեյերը ուղարկվեցին այնտեղ և վրաններ խփեցին: Հետո հասնելով մինչև խանդակի [փոս] ծայրը, ամեն կողմից Երևանի վրա ունձրևի նման հրացանի զըն-

դակներ և թնդանոթի արկեր տեղացին: Մի շաբաթվա ընթացքում՝ դիշեր-ցերեկ, թնդանոթների գնդակոծությունից պարսպի աշտարակներն ու պատնեշները խանդակի վերածվեցին, մասնավորապես, ենիշերիների աղայի և Ռումելիի զորամասերի հարձակման ենթակա պարիսպը հողին հավասարվեց: Մի օր իրանցիները, խրամատների վրա հարձակվելու նպատակով, բերդից դուրս եկան, սակայն իսլամական ղազիներին կազմ ու պատրաստ գտնելով, ստիպված եղան հուսախաբ ետ փախչել: Թշնամին փորձում էր կողովներով ու կարպետներով փակել թնդանոթների հարվածից քանդված վայրերը և անցքերը, սակայն երբ անհամար զինվորները շարժվեցին դեպի այդ կողմը, իրանցիները տեսան, որ իրենք այլևս չեն կարող հաջողության հասնել և նախօրոք իմանալով, որ հարձակման հրաման է տրված, հաջորդ օրը, սեֆեր ամսի 21-ին, թուրքմեն Հազեր բեյ անունով մի հարյուրապետ, Շամլի օջախից՝ մի պատվավոր անձ և մի անհավատ ծառայող, արդեն հուսահատված, ներողություն խնդրող հատուկ գրությամբ դուրս եկան բերդից և սերդարին դիմելով, հաշտություն խնդրեցին...

(էջ 170—173)

ԵՐԵՎԱՆԻ ԲԵՐԴԻ ԳՐԱՎՈՒՄԸ

Սեֆեր ամսի 22-ը երկուշաբթի էր: Մուրադ քեթխուդան բերդից դուրս գալով հայտնեց, որ էմիր Գյոնե-օղլու Թահմասբ Կուլուխանը որոշել է դուրս գալ բերդից և հանձնել Երևանը: Վսեմաշուք Սուլթանը գրեց պայմանագիրը և մի մարդու միջոցով ուղարկեց, իսկ քեթխուդան մնաց: Հաջորդ օրը սիփահիների զորամասերը հասան բերդ և շարքով կանգնեցին դարբասի առջև: Խանը բերդից դուրս գալով, անցավ զորաշարքերի առջևից և համբուրելով փայիշահի ասպանդակը՝ բերդը հանձնեց: Նա արժանացավ Նորին վսեմություն փադիշահի շնորհին: Մեկ օր հետո ծառայության անցնելու նրա խնդրանքը ընդունվեց և նրան շնորհվեց խալաթ, դաշույն, ակնապատ գոտի և բազմաթիվ այլ նվերներ: Այդպիսով ենիշերիները մտան բերդ: Փադիշահի հրամանով, բերդում գտնվող 5—6 հազար հրացանաձիգ թշնամիները, Երևանի բերդապահ Միրֆեթահ-օղլուի հետ միասին, երեկոյան վերցնելով իրենց ունեցվածքը՝ հեծյալ և հետիոտն, գնացին դեպի էրդեբիլ... Երևանի բերդը գրավելիս, գոյություն ունեցող վիրայի³⁸ կարգով, պետք է հանձնվեին բոլոր զենքերը: Սակայն այս անգամ այդ կարգը չպահպանվեց: Իրանցիներն ուղևորվեցին զինված, և ճանապարհին հան-

դիպած ձիերը քնցին ու տարան: Երբ այս մասին լուր ստացվեց, էրզրումի Քյուչյուք Ահմեդ փաշան և Կարամանի բեյլերբեյի Մուհամմեդ փաշան իրենց էյալեթների զինվորներին ուղարկեցին նրանց ետևից: Երբ վերջինները հասան նրանց, հրացանածիգնե-րը, ապաստանելով սեպածե ժայռերում և քարքարոտ տեղերում, սկսեցին կռվել: Ահմեդ փաշան վիրավորվեց, ենիշեհիի Ռամազան բեյը սպանվեց և 15 զինվորներ վիրավորվեցին, իսկ մնացած-ները ստիպված եղան ետ վերադառնալ: Ուրբաթ օրը, ավետաբեր լուրով Ստամբուլ ուղարկվեցին Բեշիր Աղան և Կափուչիների քեթ-խուդան: Երևանի գրավման հանդեսի համար փողիշահական օթաղի առջև ճյուղերով ծածկված քառանկյունի քյոշկ կառուցեցին և զարդարեցին... Բոլոր փաշաները և բեյերը Դիվանի հավաքվե-ցին: Փադիշահը բազմեց իր գահի վրա և բոլորը հրավիրվեցին ձեռքը համբուրելու... Փադիշահական հրովարտակով Մուրթազա փաշան նշանակվեց Երևանի պահպանության պաշտոնում:

ՊԱՐՍՊԻ ՎԵՐԱՆՈՐԳՈՒՄԸ ԵՎ ՊԱՀԱՊԱՆՆԵՐԻ ՆՇԱՆԱԿՈՒՄԸ

Սեֆեր ամսի 27-ին սկսվեցին բերդի քանդված մասերի վերա-նորոգման աշխատանքները: Ճարտարապետի հետ միասին չափե-ցին, հաշվեցին և սաթրանջի [շախմատի] ձևով 19280 արշին տե-ղից 8800 արշինը տրվեց Ռումելիի և Հալեպի էյալեթներին, սիփա-հիններին և սիլահդարներին, 8560 արշինը՝ Անատոլիայի զինվորնե-րին և ենիշեհիներին, 1920 արշինը՝ էրզրումի, Կարամանի և Կարսի զինվորներին: Վերանորոգման աշխատանքները վերջացնելուց հե-տո, բերդի պահպանության համար ենիշեհիներից և այլ զինվոր-ներից նշանակվեցին 1200 զինվորներ, որոնց ռոճիկների համար գանձարանից հատկացվեց չորս հարյուր քիսե³⁹ փող, անհրաժեշտ քանակությամբ ռազմամթերք և «բայյամեզ» թնդանոթներ:

Երևանից դուրս եկան 6-րդ օրը: Երևանի նախկին տիրակալ էմիր Գյոնե-օղլուն՝ նոր անունով Յուսուֆ փաշային, շնորհվեց Հալեպի էյալեթը, իսկ նրա քեթխուդային՝ Թարաբուսի էյալեթը:

(էջ 173—175)

ԻՍԼԱՄԱԿԱՆ ՓԱԳԻՇԱՀԻ ՈՒՂԵՎՈՐՈՒԹՅՈՒՆԸ ԴԵՊԻ ԹԱՎՐԻՉ

Չորրորդ օրը, Դեհլեի լեռնանցքից, ծովանման Արաս գետից անցնելիս փադիշահի կողքին գտնվող մի սուլաքի ջուրը տարավ: Փադիշահը իր նվիրական ձեռքով բռնեց խեղդվողի ձեռքերից և

նրան մյուս ափը հասցրեց: Այստեղ մնացին մի օր: Ռենբելի և այլ աշիրեթներին մյուս կողմը փոխադրեցին մոտ հազար օբա⁴⁰, հրամաններ արձակեցին դրանց Երզնկայի, Թերջանի և Բասենի անմարդաբնակ և ավերված վայրերում բնակեցնելու մասին, իսկ նրանց մեկիքներին զեամեթներ շնորհեցին: Մակույում լուր ստացվեց, որ սուլթան Ալանդդին անունով մի շեհզադե է ծնվել. այդ կապակցությամբ հանդեսներ կատարվեցին: Ամսի 11-ին կըզըլբաշները թողին Չուրսեն քանդված բերդը: Մուրթեզա փաշային ուղղված Ռուստեմ խանի գրությամբ եկավ Հազեր անունով մի մարդ և խոսեց հաշտության մասին: Ռեբիել-էվվելի 17-ին վսեմաշուք փադիշահի առողջությունը մի քիչ վատացավ: Փադիշահի համար չորս ջորիներով տարվող երեք թևավոր մի պատգարակ սարքեցին և հաջորդ օրն այդ պատգարակով խոյ հասան: Այնտեղ երեք օր մնացին, բերդը քանդեցին, այգիների ծառերը կտրեցին և ավերեցին: Երրորդ օրագնացում Մարանդ հասան և այնտեղ էլ ծառերը կտրեցին ու այգիները փչացրեցին:

Հաջորդ օրը իջևանեցին Սոֆիանեյում և Հաջի Հարամիեյում: Ստացվեց Ռուստեմ խանի կողմից Քյուլյուք Ահմեդ փաշային ուղղված մի գրություն, որով հայտնվում էր, թե հաշտություն կընքելու համար պետք է ուղարկվի Օսման աղան: Ամսի 28-ին Թավրիզ հասան և իջևանեցին կամրջի գլխին՝ Սեյիդաբադ անունը կրող դաշտում: Քյուլյուք Ահմեդ փաշան և Վանի բեյլերբեյին պահանջը նշանակվեցին: Երեկոյան եկան 61 ենիչերիներ և տեղեկություններ բերին աջեմների խարդախության մասին. նրանք հայտնեցին նաև, որ Ռուստեմ խանի դեմ ուղարկված զինվորները սակավաթիվ են, իսկ շահն էլ 4—5 օրագնաց հեռու է գտնվում:

Հաջորդ օրը վսեմաշուք փադիշահը շքերթով շրջագայեց քաղաքում, դիտեց Սուլթանի ջամին և հրամայեց քանդել ու ավերել շահի պալատը: Շուկան ու բազարը ամբողջովին կրակի մտտնեցին, բարեշեն տները ու գեղեցիկ մակսուրենները⁴¹ քարուքանդ արեցին: Այնուհետև սկսեցին ծառերը կտրատել: Չնայած դրան, անսահման ծովի նմանվող այգիների մեկ տասներորդն անգամ զինվորները երեք օրում չկարողացան ոչնչացնել: Հաջորդ օրը, ռեբի-ուլ-ախըրի սկզբին, Ռուստեմ խանի մոտ ուղարկված Օսման աղան և Ռուստեմ Քամիրան անունով անձը եկան քսան կըզըլբաշներով և իրենց հետ բերեցին հաշտություն կնքելու գրությունը: Սակայն նրանց առաջարկին հավատ չընծայվեց, ուստի ձեռնամուխ եղան բանակի կարիքները բավարարելու աշխատանքներին:

(էջ 175—176)

ՓԱԴԻՇԱՀԻ ՎԵՐԱԴԱՐՁԸ ՍՏԱՄԲՈՒԼ

Այս հատվածում Քյաթիր Չելեբին նկարագրում է փաղիշահի վերադարձը և ճանապարհին տեղի ունեցած դեպքերը: Փաղիշահը ռերի-ուլ ախլըրի 2-ին մեկնում է Վան: Աջեմի շահը՝ անկարող լինելով դիմադրություն ցույց տալ, փախուստի է դիմում... փաղիշահը և նրա բանակը ճանապարհին մեծ դժվարությունների են հանդիպում: Ամսի 18-ին նրանք հասնում են Վան: Փաղիշահը ծպտված դիտում է Վանի բերդը: Ամսի 21-ին մեկնում են Դիարբեքիր: Բիթլիսում Աբդալ խանը⁴² փաղիշահի պատվին մեծ խնջույք է կազմակերպում: Ջեմազիե-էվելի 9-ին նրանք հասնում են Դիարբեքիր քաղաքը: Շարունակելով ճանապարհը, ռեջեբ ամսի 9-ին հասնում են Ստամբուլ...

(էջ 177—178)

ԷՄԻՐ ԳՅՈՆԵ-ՋԱԴԵԻ ՎԻՃԱԿԸ

Երևանի նախկին տիրակալ էմիր Գյոնե-Ջադեն, փաղիշահին ենթարկվելով, ընտանիքով և ունեցվածքով դուրս է դալիս Երևանից: Հալեպի էյալեթը շնորհվում է նրան, իսկ Թարաբլուսի Շամի էյալեթը՝ նրա քեթխուդային: Էմիր Գյոնեն անհավատ ուաֆրդի⁴³ լինելով, միայն անհրաժեշտության բերմամբ էր հպատակություն ընդունել: Երևանը հանձնելու պատճառ դարձած իր քեթխուդա Մուրադից վրեժխնդիր լինելու համար նա մի պատրվակով սպանել է տալիս նրան: Երբ փաղիշահը իմանում է այդ մասին, ասում է. «Անհարմար է նման անհավատին թողնել որպես Հալեպի էյալեթի իշխող», և նրա նախորդ Ահմեդ փաշային վերականգնում է իր պաշտոնում:

ԱՋԵՄԻ ՇԱՀԸ ԳՐԱՎՈՒՄ Է ԵՐԵՎԱՆԻ ԲԵՐԴԸ

Ռեջեբ ամսի սկզբին Վանի բեյլերբեյին մի գրությամբ հայտնում էր, որ Շահը Թավրիզ գալով շրջակայքից հավաքել է իր զինվորներին և, Սպահանից շորս թնդանոթ բերել տալով, որոշել է շարժվել Երևանի վրա: Այս մասին մեծ վեզիրը հայտնեց կառավարության կենտրոնին: Ռեջեբ ամսի 14-ին մոլորյալ շահը, Ռուստեմ խանի հետ, պաշարեց Երևանի բերդը: Շաբան ամսի 4-ին մեծ վեզիրը հրաման ուղարկեց Անատոլիայի, Կարամանի, Սվադի, Մաբաշի, Հալեպի, Շամի, Թարաբլուսի, Էրզրումի, Տրապիզոնի, Կարսի և Զըլզըրի էյալեթներին, որ շտապ կարգով ներկայանան Էրզրում...: Ամսի 22-ին էլ Դիարբեքիրից Էրզրում ուղևորվեց մեծ վեզիրը: Էրզրումից ստացված գրությունից պարզվում էր, որ Կադզմանի բերդը պաշարված է: Ամսի 27-ին կանչվածները հասան Էրզրում...

Երկրի տարբեր մասերից նույնպես գալիս են զինվորական ուժեր. պատրաստ լինակում էին նաև սիփահիների և սիլահդարների աղաներն ու ենիչերիների քեթխուդան: Հասան Կալայում էրզրումի սաստիկ սառնամանիքից սառեցին 9 զինվոր: Շատերի էլ ձեռքերն ու ոտքերը սառեցին: Իրանցիներն էլ իրենց ուժերն էին հավաքում և դասավորում: Ստամբուլում խիստ միջոցներ են ձեռք առնվում զինվորական նոր ուժեր հավաքագրելու համար: Սակայն այդպիսի զորահավաքին խանգարում են սաստիկ սառնամանիքները: Ի վերջո, շեվվալ ամսի 22-ին, մեծ վեզիրի մոտ տեղի ունեցած խորհրդակցությունից հետո, նրանք շարժվում են դեպի Կարս: Ստացված գրությունից պարզվում է, որ Երևանի բերդի դրությունը շափազանց դժվարացել է: Անհրաժեշտ է 10 օրվա ընթացքում օգնության հասնել...: Ամսի 24-ին բերդը հանձնվեց: Այս սարսափելի լուրը հասավ սերդարին: Սակայն, քանի որ նոր տեղացած առատ ձյունը փակել էր ճանապարհները, օգնության հասնելու հնարավորությունը վերացել էր: Երևանի գրավման լուրը հաղորդվեց Ստամբուլ:

Պատմագրի ասելով, ապարդյուն են անցնում փառիշահի գործադրած բոլոր ջանքերը:

(էջ 179—181)

ԲԱՆԱՍՏԵՂԾ ՆԵՖԻՒ ՍՊԱՆՈՒԹՅՈՒՆԸ

Էրզրումի-Նեֆի էֆենդին⁴⁴ Ռումի⁴⁵ բանաստեղծների ամենագլխավոր և ակա-նավոր ներկայացուցիչն էր: Նա ծառայել էր մի քանի պետական պաշտոններում: Նա Բայրամ փաշայի մասին գրել էր երգիծական ոտանավոր [հիշվ]:

Սուլթան Մուրադ խանի թույլատվությամբ, շարան ամսի 8-ին, Նեֆին խեղդեցին իր պալատում: Նեֆին երգիծական գրվածքներում հանդես է գալիս որպես հազվագյուտ տաղանդի տեր բանաստեղծ: Երգիծաբանության մեջ նա գերազանցել էր բոլոր բանաստեղծներին: Հայտնի են նրա պոեմները [կասիգե]:

(էջ 183)

1048 (1638) թվականի դեպքերից

Հաշտություն կնքելու նպատակով խանի դեսպան Մակսուդ խանը գալիս է Ստամբուլ: Այդ ժամանակ Սուլթան Մուրադ IV-ը պատրաստվում է Բաղդադի արշավանքին: Դեսպանին ուղարկում են Մուսուլ, որպեսզի այնտեղ սպասի պատե-րազմի հետևանքին: Մուսուլում սուլթանը ընդունում է Մակսուդ խանին և նրան է հանձնում շահին ուղղված իր նամակը: Այդ նամակով սուլթանը շահից պահանջում է վերադարձնել օսմանյան պետությանը պատկանող վայրերը և ամեն տարի նվերներ ուղարկել: Հակառակ դեպքում, սպառնում է գարնանը արշավել Իրանի վրա:

113

Սուլթան Մուրադ IV-ի այդ սպառնազիրը, իբրև այդ դարաշրջանի պետությունների հարաբերության բնորոշ փաստաթուղթ թարգմանաբար բերվում է այստեղ ամբողջությամբ. գրքի հավելվածում տրվում է նաև նրա թուրքերեն տեքստը:

ԿԱՅՍԵՐԱԿԱՆ ՀՐՈՎԱՐՏԱԿԻ («ԽԱԹԹՈՂ-ՀՅՈՒՄԱՅՈՒՆ») ՊԱՏՃԵՆԸ

«Իմ փառիշահական գրությունը ստանալիս, թող հայտնի լինի, որ քո մարդկանցից Խալիֆա Մակսուդին ուղարկելով հաշտություն էիր ցանկացել: Քո դեսպանին որոշ ժամանակ սպասեցնելու պատճառն այն էր, որ մենք որոշ գործեր ունեինք: Այժմ այդ գործերը վերջացրել ենք: Հիմա, եթե հաշտություն ես ցանկանում, նորից մեր բեյլերբեյիներին պիտի հանձնես իմ մեծ նախահայրերի ժամանակից մեր փառավոր պետության մեջ մտնող երկրները, որոնք գրավվելու են իմ հաղթական զինվորների կողմից: Հին պայմանի և սովորության համաձայն ամենամյա նվերներն ու փեշքեշները պետք է կանոնավոր կերպով ուղարկվեն: Իսկ եթե դրանք չկատարես, ես այս սահմաններում ձմեռելուց հետո, գարնան սկզբին որոշել եմ իմ ծովածավալ զինվորներով արշավել քո երկրի և պետության վրա: Թե տղամարդ ես, հրապարակ արի՛: Ղեկավարելու հավակնություն ունեցողներին անվայել է թաքնվել վարագույրի ետևը: Զիուց վախեցողը, եթե ձի հեծնի և սուր կապի՝ սխալ գործած կլինի: Կլինի այն, ինչ նախապես սահմանված է: Մի՛ վախենա, դեմ արի: Վեսսելամ»⁴⁶:

1049 (1639) թվականի դեպքերից

Այս թվականին թուրք-իրանական պատերազմական գործողությունները վերջանում են հաշտության պայմանագրով: Սուլթան Մուրադ IV-ի սպառնազիրը շահին ուղարկելուց հետո, թուրքական բանակի հաղթական շարժումները և փառիշահի վճռական նախազգուշացումը ունենում են իրենց ազդեցությունը: Շահը ստիպված է լինում հաշտություն խնդրել: Մուհարրեմ ամսի 8-ին, Սեֆեվի զբաղվոր հրամանատար Ռուստեմ խանը հատուկ գրությամբ դիմում է մեծ սերդարին հայտնելով, որ Դերթենգի բերդը դատարկել է և հաշտության համար ուղարկում է իր ներկայացուցիչ Սարուխանին:

Սարուխանը գալիս է մուհարրեմ ամսի 11-ին: Երեք օրվա բանակցություններից հետո մուհարրեմ ամսի 14-ին (մայիսի 17-ին), Կարսի-Շիրինի մոտ Ջեմաթ⁴⁷ անունով օսմանյան զխավոր շտաբում կնքվում է հաշտության պայմանագիր, որը ստորագրում են՝ օսմանյան կառավարության կողմից՝ մեծ վեզիր և բարձր սերդար Քեմենքեշ Կարա փաշան, իրանի կողմից՝ արտակարգ դեսպան Սարուխանը:

Ինչպես հայտնի է, այդ պայմանագրով Բաղդադը, Բասրան և Շահրի Զորը («Իրաքի-Արաբը») անցնում են թուրքիային, իսկ Երևանը մնում է իրանի ձեռքում:

Կասրի Շերինի [Ջեհարի] հաշտության պայմանագրի հայերեն թարգմանությունը տրված է սույն աշխատության առաջին հատորի «Թարիխի նայիմա» գլխում*։ Նկատի ունենալով պայմանագրի պատմական կարևորությունը, «Ֆեզլե-բե»-ից, գրքի վերջում, իբրև հավելված տրվում է նրա թուրքերեն տեքստը»

1052 (1642) թվականի դեպֆերից

ԹԻՄԱՐԻ ԳՈՒՄԱՐԻ ՀԱՎԵԼՈՒՄԸ¹⁸

Գանձարանի [խազինե] ծախքերը ավելանալով, կազմեցին եկամտի գումարի կեսը։ Այդ մասին անհրաժեշտ էր համապատասխան միջոցառում։ Ամբողջ Օսմանյան կայսրության մեջ ֆերման տրվեց թիմարատերերի վրա ավելացնել հազարին հինգ հարյուր ազնե։

(էջ 358—359)

* Տե՛ս «Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին», հատ. Ա, էջ 110—111։